

UPRAVA DRUŠTVA

GENERALNA DIREKCIJA

Broj: U.D.01.04.-10051/22
Sarajevo, 22.06.2022.godine

Na osnovu člana 69 stav 2 pod d), člana 70. stav (4) Zakona o javnim nabavkama, člana 45. Statuta „JP BH POŠTA“ d.o.o. Sarajevo, i člana 14. stav (2) Pravilnika o javnim nabavkama "JP BH POŠTA" d.o.o. Sarajevo, te prijedloga - preporuke Komisije za nabavku **nabavku i isporuku teretnih vozila** broj: 07.4-11-9-5368-24/22 od 17.06.2022.godine, Uprava Društva na svojoj 144.elektronskoj sjednici održanoj 22.06.2022.godine, d o n o s i:

ODLUKU

o poništenju postupka nabavke i isporuke teretnih vozila – LOT 1 - kamioni – zbog toga što niti jedna ponuda nije prihvatljiva

I

Donosi se Odluka o poništavanju postupka **nabavke i isporuke teretnih vozila – LOT 1 - kamioni** zbog toga što niti jedna ponuda nije prihvatljiva a sve u skladu sa članom 69 stav 2 pod d) Zakon o javnim nabavkama

II

Ova odluka stupa na snagu danom donošenja.

OBRAZLOŽENJE:

Na osnovu Odluke o pokretanju postupka javne nabavke nabavke **i isporuke teretnih vozila** podijeljenu na 2 LOT-a broj:U.D.-01.04-6147/22 od 06.04.2022.godine i Rješenja Generalnog direktora o imenovanju Komisije za nabavku, broj: 01-11-9-5368/22-5 od 07.04.2022. godine, proveden je otvoreni postupak javne nabavke, objavljivanjem Objaveštenja o nabavci broj: 238-1-1-249-3-46/22 dana 22.04.2022. godine na Portalu javnih nabavki, uz objavljivanje tenderske dokumentacije, tako da su svi zainteresirani ponuđači mogli preuzeti tendersku dokumentaciju.


Za realizaciju ove nabavke, a u skladu sa zahtjevom nosioca posla, Uprava Društva je odobrila finansijska sredstva u iznosu od 1.011.000,00 KM, bez uračunatog PDV-a tj. po lotovima kako slijedi:

Procijenjena vrijednost po lotovima iznosi:

LOT 1 – Kamioni 344.500,00 KM bez PDV-a

LOT 2 – teretna vozila (teretno vozilo ukupne mase 3500 kg i 5500 kg) 665.500,00 KM bez PDV-a

Javno otvaranje ponuda u postupku predmetne nabavke je održano dana 13.06.2022. godine u 12,¹⁵ sati, u prostorijama Generalne direkcije "JP BH POŠTA" d.o.o. Sarajevo, o čemu je sačinjen poseban Zapisnik o otvaranju ponuda, koji se dostavlja u prilogu ovog Izvještaja.



Komisija je prije samog otvaranja ponuda konstatovala sljedeće:

- da je 16 (šesnaest) potencijalnih ponuđača preuzelo tendersku dokumentaciju sa portala Javnih nabavki;
- Na Protokol ugovornog organa, do roka određenog za prijem ponuda, pristigla je ponuda jednog ponuđača i to:
 1. Star centar doo Živinice
- da je koverta neoštećena, uredno zapakovana i zapečaćena;
- da je na koverti sa ponudom stavljen redni broj prema kojima se utvrđuje redoslijed otvaranja i čitanja ponuda, prema vremenu dostavljanja na Protokol.

Komisija je prilikom otvaranja ponuda javno saopštila podatke o nazivu i sjedištu ponuđača, ukupnu cijenu ponude i eventualni popust, ne praveći uvid u sadržaj i validnost dostavljene dokumentacije. Javno otvaranje ponuda završeno je bez primjedbi prisutnog predstavnika ponuđača na rad Komisije koje je odmah uručena kopija zapisnik sa otvaranja ponuda

Nakon izvršenog otvaranja pristigle ponude, Komisija je pristupila analizi i utvrđivanju validnosti ponude, obzirom na zahtjeve ugovornog organa iskazane u tenderskoj dokumentaciji, odnosno vrednovanju ponude, u skladu sa procedurama i pravilima utvrđenim Zakonom o javnim nabavkama i podzakonskim aktima i Pravilnikom o javnim nabavkama ugovornog organa, broj: U.D-01-3.2-5233/15 od 04.03.2015. god.

Analizirajući otvorenu ponudu Komisija je konstatovala sljedeće:

LOT 1

Ponuda ponuđača **Star centar doo Živinice u ukupnom iznosu od 343.596,00 KM bez PDV-a** ne ispunjava sve uslove tenderske dokumentacije te je shodno tome ocijenjena kao neprihvatljiva za ugovorni organ i ne može biti predmet vrednovanja iz sljedećih razloga:

Naime, u dostavljenoj ponudi u Aneksu 3 ponuđač nije popunio kolone 2 (marka vozila), 5 (jedinčna cijena po stavki bez PDV-a) i 6 (Ukupna cijena po stavki bez PDV-a) što je u suprotnosti sa napomenom iz Aneksa 3 tenderske dokumentacije r.b. 5 koja glasi: „*Ponuđač je obavezan popuniti sve prazne kolone u Aneksu 3.*“

Također ponuđač u sklopu svoje ponude za LOT 1 nije dostavio dokaz propisan tačkom 7.3.2. pod d) tenderske dokumentacije kao ni spisak izvršenih ugovora a što je bila obaveza propisana tačkom 7.3.2. pod a) tenderske dokumentacije koji između ostalog glasi da je ponuđač obavezan da dostavi: „*Spisak izvršenih Ugovora po Lot-u za koji podnosi ponudu o isporučenim robama koje su predmet nabavke...*“. Također potvrdu o uspješnoj realizaciji ugovora propisanoj tačkom 7.3.2. pod a) tenderske dokumentacije ponuđač nije dostavio u sklopu svoje ponude već je ista dostavljena u sklopu kao zajedničke dokumentacije za oba lot-a što je u suprotnosti sa načinom dostavljanja navedene potvrde.

Na osnovu svega gore navedenog, ponuda **Star centar doo Živinice za LOT 1** nije dalje razmatrana, te je u skladu sa naprijed navedenim konstatovano da je ponuda **neprihvatljiva** za Ugovorni organ.

Shodno navedenom a u skladu sa članom 69 stav 2 pod d) Zakona o javnim nabavkama, data je preporuka Upravi društva da donese **Odluku o poništenju postupka nabavke i isporuke teretnih vozila – LOT 1 - kamioni** – te da se provedu aktivnosti Komisije na realizaciji postupka nabavke u smislu **ponovnog provođenja predmetnog postupka nabavke i isporuke teretnih vozila.**

